

山陽詩鈔

東京圖書館

五	三	八	詩
冊	號	架	函
			類
			門

和書門

山陽詩鈔卷之四

賴襄子成著

後藤機校

辛巳

元日

故帚堆中歲過強猶餘筆削志偏長東窗掃几迎初日讀  
起春至正月章

得家書

新歲得家書先喜平安字席裏與薦包件々未開視析書  
忙讀之矮帚字疊々老母頗健飯未至艱卧起念吾嘗桂  
玉儒餐乏肥美紅魚買疎鬣綠禽餘反背剖解鹽豉貯  
据勞手指書中知誼悉慈容違顏恐脫包色味新切片



宛然在印

子

山陽詩鈔卷之四

是為羹何忍啜感泣遙拜跪十年徒遠遊何以供甘旨  
反哺吾未能仍使母哺子回首愧烏鴉眼斷暮山紫

協也已二十老成足持家賴汝不西顧浪遊養我疴辰也  
生京寓夢兆非虺蛇恠喜得其弟慶書寄天涯分植紫荆樹

爭榮棣鄂花不論異其胞氣同受於爺所恨齒相絕如蘭  
抽魁芽指拳太嫩脆啼號徒咿咿何日能作字寄兄書奎

鴉

五聲五影詩

余不喜詠物嫌其類啞謎耳嚮見社友賦梅影忽  
發技痒遂連詠影聲各五費三數日精神今搜故  
紙得焉蓋題讀之雖吾或不能猜為何詠也做尤

罪甚錄資一噓

雨聲

午簾影滅送遙雷一榻微風幽夢回酒渴思茶未熟愛聞  
琴筑遠檐來

水聲

夜宿溪亭燭影愁閑聞簷溜瀉高秋起推窗戶知非兩石  
瀨娟々碎月流

鳥聲

落紅狼藉曉烟深何物間關送好音嫩日上簾人未醒一  
聲喚起惜花心

茶聲

退之木強猶  
投兒女好於  
子成乎何誅

江辛夷云聲  
韻清幽

辛夷云典雅

禪榻愛聞茶鼎鳴細如寶瑟大如笙十年一甦揚州夢何  
識人閒有此聲

櫓聲

一雙柔櫓下秋潭呷軋聲中雨意酣攪破高齋獨夜夢誤  
聞雁語宿淮南

辛夷云攪字  
殊佳

蕩影

春烟著地弄輕明不省微風動水晶霧縠界遙看有色瀟  
波侵座聽無聲直隨雲片過時滅斜向月光來處生錦瑟  
側邊難掃去依々相戀太多情

摘影

淡薄輕羅界碧流一條虹現兩條秋皎綃出水新亂杼鏡

辛夷云結巧  
思恨用典欠  
醒

鎖橫江不礙舟雲散葛陂龍已蛻天明銀漢鵲猶浮懂々  
波底看人馬還訝溫犀照渚洲

旗影

滿磧寒光霜絕瑕幾條獨見印胡沙無風欲亂烽烟直有  
月還隨弓影斜旭日臨城間虎豹春雲蒸視動龍蛇東風  
別有什平象杏雨初晴認杜家

水中梅影

獨弄清姿立雪晨寒泓映出曉妝新輕冰缺處霜無暈細  
浪搖時玉有皴近岸橫枝迷倦雀點波芳蕊誤游鱗幻痕  
猶奪水仙艷未許渠儂誇鞞塵

美人影

辛夷云領  
甚雄壯惜乎  
結弔不振

辛夷云清  
綿情韻雙  
絕可謂佳句  
足千古

眠驚胡蝶認嬌痕。俯仰猶知笑語溫。青鎖鬢髮烟黯淡。玉階裙帶月黃昏。湘簾燈滅春如夢。華帳香騰夜返魂。最是鞦韆日斜處。和他花影出芳園。

寄懷江辛夷

雲帆幾度趁冥鵬。混跡鳴夷興可乘。山館書聲交夜雨。海樓酒影亂春燈。經年蘭若護題墨。一咲黎渦猶舊朋。何日擘箋成唱和。片心相似玉壺冰。

穿眼秋帆來底遲。奈何游跡巧參差。周年會晤無天合。隔海心情有月知。鴻雁纒傳寄吾字。玲瓏應唱憶君詩。擬聞錦瑟同尊酒。雲樹茫茫未可期。

歸鴻來燕苦相尋。回首崎陽落日沈。曾得交書如接勝。未

小竹云前  
極巧極自然

能識面且知心。扶桑枝脆猶樓息。行李途遐豈盡簪。篋底雲烟存縹緲。此情獨與墨痕深。

移居築園雜詠

家面東山常眼明。明朝嵐夕翠机閒。橫吾儂怕折看山。福翻把琴書移入城。

機去放翁

城居雖惡且棲遲。旋理荒園旋縛籬。昨日山妻相報道。新栽苦竹忽生兒。

幾弓蕩地手犁鋤。碎瓦成堆難可除。誰料吟翁小經濟。築將場圃藝秋蔬。

飯餘摩腹步晴曦。掌大吾園亦可嬉。瞿麥花開人未覺。何來小蝶聖先知。

北什批照係  
天民五山  
兩家

○灌泉階畔露淋漓展簾沐頭蹙細漪浴罷呼杯々未到一  
盆茉莉欲開時

○月黑湘簾燭影深當階獨酌夜沈々暗香撲酒何花發不  
是鬢華定玉簪

○曾養一盆魚子蘭著花每怯露痕乾避日移來簾影底觸  
他金粟落闌珊

○牽牛恣意上籬來狂蔓爭高亂翠堆昨日被風吹倒了房  
々向地卻花開

○傍墻種桂養金葩當砌栽蘭護玉芽更記山僧許勵送留  
將餘地待梅花

○結援殷勤扶菊苗無如秋雨打柔條隨扶隨倒花狼籍不

似先生愧折腰

凍蠅認暖開書窻料得新霜壓瓦重茉莉建蘭皆婦子同  
居此室共過冬

臨階置酒割浮瓜今日寒窓深掩紗不弄敗簾何所用護  
霜蔽得牡丹芽

○題畫

秋溪水縮露崖沙秋樹葉脫夕陽多誰結茅屋因溪樹繞  
欄水光鏡新磨十年容跡輒紅裏開圖夢境依稀是門無  
剝啄案有書人世適意寧有此應是讀倦倚欄角棲禽定  
處聞魚躍

○題自畫山水學叔明法者

桃云亦放翁

第四語似髯

應語亦是画

山如解索樹蓬鬆漫把工夫學阿蒙莫道峰巒無赫色寫  
他夕照沒殘紅

疊韻舊遊美濃詩示村瀨子錦

病羸纔護蒲柳質文章無復劍刃筆獨餘傲骨猶崢嶸不  
向車塵屈此膝寒窓燈火自堪娛富貴稔知一宿遠滿室  
古人皆吾友攤書每學獺祭魚

○嵐山歸途口占

逢花還憶太秦祠嵐峽歸來未夕時瀝々殘瓢傾欲盡斜  
陽猶在最高枝

橋元元吉來寓我家

煎茶呼酒總隨緣匝月留君亦偶然藏畫無多怕看盡日

怕看畫作難  
飽客何如

許由來知此  
味

開一幅品雲烟

○同內藤士謙遊亂林遇雨

澗流受雨亂珠飛乍霽林梢猶夕暉把酒水亭看魁色不  
不嫌殘滴濕人衣

○贈元瑞以茉莉

一盆茉莉數花披擬送嬌香有鮑卮記否鳧川納涼夕銀  
燈影裡看冰肌

不覺發真情

○題竹洞山人畫

雨後青山越樣青流雲暖翠媚朝晴繞溪欲訪同心友滿  
路新泥不可行

聞河孔陽整理乃翁遺集寄此詩以愆愆之

西野先生東隅起，莖死不復說七子。登壇老将世稔聞，天  
明文政幾四紀。陶娛菴鑄詩佛，左提右挈變詞風。享保餘  
黨膝盡屈，譬如二十四考中書令。城隍總自部下出，聞說  
今嗣整遺編。黎棗半雕人爭博，討論潤色俊雄足。武庫弓  
戟定森然，君不見攻擊沈痼宜峻劑。激成別症固其勢，轉  
輾相學弊終生。逢蒙無罪况罪羿，末流自濁源自激。此集  
真可蘇醒世，吾知令嗣書法世所服。與翁詩學可相角，何  
不細楷手寫此。橋梓交映照人目，用曹娥擬麻姑。某卷靈  
飛某陰符，學詩者讀詩學書者玩書詩。壘聿陣兩樹幟，如  
此奇帷曠代無。

○送大含師遊濃

連雲大野半荆榛，仰看蘇山雪似銀。億萬離心曾暴骨，憑  
君停錫弔青燐。

○校外史竟宴分賦，近古英雄吾得安土公。

艱危寧料狐濡尾，顛瀾誰悲狼跋胡。七道荆榛鋤未了，留  
將一半付家奴。

中秋同薩人大河原，世則飲時世則將歸。

甕城鳧水幾雲岑，逢月何時又盞簪。同把一杯杯裏影，他  
年分照各天心。

是夜初雨後晴

簷收點滴月揚明，獨起幽階夜幾更。欲暖殘樽妻已睡，兩  
痕滿地總蟲聲。



十六夜同諸友遊三樹坡酒樓

捲簾水間待嫦娥呼酒高歌月出歌月已來時酒亦到杯中欄外共金波

題利休居士像

杯椀經評卽百城可憐菹醢先韓彭卻勝猿郎鬼長饒清風傳得一家聲

卽事示拓生

忍凍晨窓起讀書憶曾負笈滯燕都老我疎慵非復昔臥聞童子誦呬唔

半江生欲借余所藏明吳己山水賦此謝之

一幅江山欲借君荆州何比鬪劉孫唯因供養如魚水鎖

住雲烟不出門

題雜畫三首

壓流花幾樹下有撐舟客花影碎還生舟行不見跡沙際蛇行水塘頭雁齒橋漁舟閣高處日暮落寒潮畫筆秋毫未游蹤春夢閱茫茫青幾點莫是筑豐山

折園菊獻日野亞相公

此花何可挿金罍霜壓風凌斜又橫野菊真如野人糝亂頭粗服對公卿

相公招飲卽事

禁樹蕭々聚暮鴉彤雲深處是天家日短相公朝退勉坐看銀燭落高花

四句是三尾  
實景

賊意意在搜  
龍種亦在鎮  
權家疑俱若  
僧亦為其所  
騙子成說史  
眼透紙背恨  
不及此

○梅尾山歌

霜楓雁溪疑無水。架溪一橋斜通寺。長霜漸融路猶濕。粥  
魚聲隔錦雲裏。認是辨公遁跡處。溪邊茗圃猶可指。自  
法雲萌雀舌。靈液蘇得世界熱。誰洗銚血聽塵言。想應予  
坐許對啜。一椀喚醒英雄夢。九世傳授淡泊訣。君不見佛  
圖待石虎如海鷗。孰若此公化武州。滅騎知過此橋入。若  
個紅樹繫紫驢。且借僧榻談千古。不妨又呼雲乳甌。

○墨菜

摘滿春盤露未乾。烟苗雨甲日供餐。十年誤落紅塵陌。鄉  
味空於畫裏看。

○鷓鴣圖

飲啄逍遙亦許娛。一枝到處託微軀。寄語大鵬天大翼。南  
冥有樹可棲無。

山水小景五首

天籟

○幾樹檉塵烟春江天已曙。唯聞鶯語聲不見。鶯棲處  
收帙獨支頤。前林見倦翼。哦詩字未安。檐角來冥色。  
○出門逢友到袖裏。帶詩來看詩為未。勉且共去看梅  
○菊老有餘香。空階寒日薄。秋林夕多風。木葉掃還落。  
○木葉馬頭飛。揮鞭手欲裂。林梢風雁開。遠嶺皆成雪。

○畫蝶

花房隨處即吾廬。領畧春風在鐵鬚。粉翅不輸鵬翼大。幻  
開蒙叟小華胥。

過切

淡處味濃

世張來訪賦示

換去此律而帶古休者乎書余衰而藏之

風雪京城喜汝過寒窗偶坐夜如何分襟肥港月搖酒聯  
步筑山泥沒靴話起舊遊燈數剔吟成新句筆頻呵老來  
日覺詩才退此事當憑相刮磨

四寒詠

蔣藏園有十寒詠大抵係無情物余就有情中拔痛  
痒最相關者作四寒詩

○寒僕

渠亦人兒語惻然胼胝此際最堪憐聖郊尋路隨驢後霜  
曉開門趁狗先冰結長鬚汲泉夕風吹禿髮送窮天防寒  
飢酒分餘溼豈可終朝勞汝肩

○寒婢

破屋猶從舊主人履霜赤脚太酸辛景忙寧暇眉成繭水  
凍無論手欲龜早起擷蔬遭雪沒遲眠補綻與燈親註詩  
鄭叟還呵筆何忍泥中肆怒瞋

○寒犬

五柳無陰風數驚守門黃耳可憐生看梅歸勉昏搖尾賞  
雪期來曉發聲檐短難逃霜氣重巷深時警月光明想他  
朝水淪漣處僮僕眠醒聞豹鳴

○寒貓

冬烘瑟縮愛吾廬自咲疎慵酷類渠矮室既熏寧有鼠貧  
厨經凍最無魚亦長衾角眠分半午暖爐邊坐借餘卻是

批去先生欲改繭字屢辱下問而未有一佳字以答之用典不泛

山陰詩金卷一  
呼々呼儂去鄰檐梅影月初

冬日間居雜詠

○ 桂玉雖艱猶逸居紅塵儻得一廬廬廢毫鋒退可為畫故  
紙背明猶學書妻計禦冬親漬菜客思娛夕手攜魚休言  
此際無詩本瓶裏寒花香有餘

○ 喜晴檐瓦見長霜無事冬猶覺日長室與盆蘭分半暖杯  
從餅菊借餘香蘇文偶讀愛奔放米帖頻臨忘努張自喜  
吾貧未到骨一尊常有美醪藏

○ 街拆聲々伴客愁短檐風霰夜殊稠翻來舊稿時撥筆別  
盡殘燈又喚油詩力自嘆強弩末鄉心敢望大刀頭成名  
小技違初志懶向粉榆面友傳

子成嘗私策  
迎事其言有  
驗也

放翁

揆廬黃卷擁牛衣老悟功名盡駭機煨芋何曾期必貴食  
糠徒被怪平肥燈花向榻開還落雪片過窓歇又飛聞說  
河湟新復舊杜生迂論未全違  
送歲寒燈又帝州酒醒爐冷暗生愁有骨何論千里馬無  
家自今一沙鷗艦聲密雪濃川渡鞭影斜陽薩嶺秋回首  
萍蹤成昨夢舊吟零落情誰收

除夕進退韻

休論烏兔如跳丸開宴全家且解顏老婦製衣聊整楚嬌  
兒學步尚槃跚詩成酒醉酒醒裏歲換燈明燈暗閒韓叟  
木強甘世笑送窮未必說寒酸

壬午

○即事

新年無客問寒家，閑試吟毫字似鴉。  
汲得一瓶井華水，半供老研半梅花。

訪春琴

茶聲燈影稍生春，相見同知白髮新。  
知道閏年回暖燠，餅中寒玉未成皴。

梅花水仙同瓶圖

槎牙鐵骨吐寒香，寧借緇裘護雪霜。  
知為輕盈無氣力，倩君扶得過瀟湘。

○雨竹

寫個琅玕雨裏明，想聞窗外蟹沙鳴。  
故園兄弟應無恙，何

夜連牀聞此聲

○伴蘭竹

烟梢露葉儘平安，誰貌清姿墨未乾。  
應念孤寒無伴侶，為將餘瀋寫幽蘭。

懸崖竹

根託懸崖苦節多，月明倒照影婆娑。  
記來羅漢寺邊路，鳳尾垂々捎帽過。

○同士謙巨海遊沙河

嫩麥抽針菜茁芽，東城已可岸烏紗。  
鴨鳥拍々流初暖，牛犢羊々日欲斜。  
雪盡總無々草處，林開時有々梅家。  
一瓢辨酒備微倦，返照橋邊魚可叉。

試筆二字足下，嘗使余改之。今耶用之，文衡山屢用，似謂歲首始書如何。

杙去知道作且喜，何如。

○奉送日野相公東下 公二月望上途往反廿日

馬頭東去背春暉。唯願還鑣期不違。巷柳園桃應未老。月團上路月團歸。

○○伊豫野閒生攜一研山甚奇余見欲得之生日苟謝

以詩不敢不割愛因用東坡仇池石韻賦贈

布榮愛朱紫好色思粉綠老悟一身外百物皆蛇足獨餘  
愛山障殄秀未饜腹脚跟堪踏雲塵裡空瑟感渴瞻如調  
飢譬羊關芻牧見君一拳奇呀窪縮岳瀆洞窈疑湧霧峰  
秀如削玉觸我烟霞痼發動按難伏昨夜燈生花喜事忽  
可卜輟君久周旋與我新追逐何圖坐市關居然撫山谷  
烟雲瞥過眼髯絲戒物欲他日石易畫紛紛較直曲孰與

一韻限韻而  
從容自如使  
人卻步余未  
見其石恐不  
如此詩峻絕  
難攀

君曠懷弄寶如此速

○瀧生要我社嵐峽捕香魚

繩聯木片截溪灣。一舟牽之勢彎環。舟行漸疾繩漸曲。驅  
得萬鱗聚岸間。衆漁擲網爭神速。魚隊驚亂路迫蹙。大者  
跋扈落漁手。小者遁逃出網目。溪光涵鱗腮帶黃。苔氣沁  
腸腹含香。唼喙上串泣。玉液聶切下醬嚼。蘭肪錦街樵。巷  
寧無此翠鱗總。化輒塵紫遇君佳。招割芳鮮始知香魚香  
如是

○題柳陰待渡圖

翠楊踈地蘼。漣漪舟子貪。取舟到遲。囑與奚童且休喚。綠  
陰藉草聽黃鸝。

老杜何仲默  
之遺響

人間萬事皆  
為口舌成此  
嘆亦壯強時  
爭而已如余  
甘為淮南王  
食客為可恨  
也

○竹田自杵築客舍寫海物題詩來寄和韻書其傍卻  
答

五年前為南豐客俯仰舊歡已陳跡聞君杵城留遊臺西  
望空見海烟碧恨不海樓共酒卮酒痕狼藉各汚衣棘鬣  
出潮鬣猶怒膾上金盤勢欲飛嗟吾一自京輦還思鮮四  
面皆隔山騾馱致豈無路真味寔在禪指間

○題牡丹辛夷合圖為南豐渡邊生生春來寓京今  
將歸也

木末芙蓉欲破顏。理裝東上。冒春寒。紛紛。開落誰相管。淹  
滯洛陽看牡丹。

中秋獨飲于銅駝橋茶店憶曾與此友武景文為此

遊景文逝五年于今矣

金波破碎小灘流。孤店傾瓢賞。半秋唯使老夫乘興著。蘆  
簾竹榻即南樓。

水聲月色舊鳧河。五度中秋奈尔何。手酌流光一杯酒不  
知滴到九泉麼

○夜半醉醒不寐獨起更飲

繞枕蟲聲眠不成。起溫殘酒剔燈青。此間清味無人共。獨  
有秋花立夜餅。

○題雜花游蜂圖

桃花紅艷映梨花。引得游蜂鬧午衙。應有春閨人晏起。坐  
看花影覆窗紗。

聞千棋時不  
寐。輒命飲或  
把杯。聞難可  
謂二阮同嗜  
也。子成。旧不  
解。飲當時未  
知。此妙境。

賀半江生解官 半江向喪偶故及

相逢每歎素心違不待抽簪覺昨非君是閑雲我野雀徒  
今相伴自如飛  
偕隱無如宿志違十年同夢是耶非出樊老雀憐孤影恨  
不江湖對夕飛

○泛舟伏水遂至菟道觀楓

攜朋載酒放輕橈撐過漁家小板橋竹籬荻籬曾醉處門  
前繫纜買魚苗

、同佐竹邨監遊沙河次其韻邨在鴨西與沙河相去  
數里而已

疎槐高柳夕陽紅旗店招人一水東好個醉鄉途咫尺官

情不到酒林

○再遊沙河

渠水寒漪感夕陽買魚邨店小呼觴侍童落後緣何事擷  
得霜芥滿把香

詩律巧綴似費工夫子成則咄嗟而辨是為異他人耳

然較諸西遊卷覺英氣差撓

晉帥

子成詞兄寄示其薈薇園小稿命余品評余受讀之麻姑  
搔痒無復一語可措停宿六年今此返壁其中係舊作者  
手猶覺硬西遊以後諸作首首圓滑精神動人豈所謂得  
江山助者乎但聲影諸詠則所不首冑子成云詠物詩嫌  
類啞謎此不太然苟類啞謎則非詠物善者蓋題讀之知



其為何詠詠物之妙究竟在此世或以啞謎為詠物者不  
中子成之意故致此說乎余嘗詠帆影其中一聯云兩竿  
殘日風全死一桁青山雨始收子成明眼恐不以為啞謎  
詠聲比影更為失體刪而可也至詠史諸律則半生史學  
一時陶鑄出來殆如讀集句又似誦李滄溟文碎錦斑斕  
使人眼眩實是千古技倆雖百無絃竟不能抵隻句龜脰  
鶴頸要應相讓為之一喙余六年間此冊不離机右如與  
子成相話一燈之下今日忽別不能不黯然為浮一太白  
以送其行不知連日紙葉之間猶留酒痕否丙戌上元後  
一日五山池桐孫

山陽詩鈔卷之四終

山陽詩鈔卷之下

賴襄子成著

癸未

以下係卜居水西莊後作

新居

新居逢元日推戶晴曦明階下淺水流涓涓已春聲臨流  
流我研研紫映山青地僻少賀客自喜省送迎棲息有如  
此足以愜素情所恨唯一母迎養志未成安得共此酒慈  
顏一咲傾磨墨作鄉書醉字易縱橫

示塾生

憐我二三子負笈向吾依紙窗與上壁燈花聚唔咿歲除  
宴妻孥呼致共酒卮唱和聊同樂講誦且緩期君輩皆人

意到筆隨此  
自本色

先生金莖之  
露不知誰能

得嘗

結二句堂堂  
之陣

硬

小竹云子成  
不鮮恭開過  
二字警吾輩  
也

子豈不憂睽離爺孃當此際當各說吾兒已忍愛日意勿

失惜陰時

為南洞相公題燕間四適圖

淵明撫處蕙松摩詰彈明映竹逸韻不成鳳聲斷紋且愛

蛇腹琴

老妻畫紙堪喜兒輩治軍覺譁午院閑過漏點夜窓敲落

燈花棋

唐碑晉帖心熟蜀繭剡藤手生洗墨池中魚咬揮毫紙上

蟹行書

點皴眼底南北渲染毫端古今十丈輒紅寄跡半縑殘墨

娛心

南極老人圖

風月西湖他日愁輒紅塵裡酒如油星精寧計途差遠不

向杭州向汴州宋人諺云西湖風月不如東華輒紅香土

得茶山翁書卻寄擬放翁荅曾文清詩體

朝來獲君書觀題已心怡欲析未驟析留竅吟酒時書中

雜談咲恍見掀眉前日往陋製仔細著黃雌行間字如

蠅批圈珠纍纍雕獸雖吾拙君作鱗之而次展君詩冊老

骨露離奇怪松跨深壑天風振鬣鱗俯首瞰百家紅紫紛

榮萎時賢漸凋落獨君碩菓謂余可與語汪葦許測蠡厚

顏強解事吹毛索癩疵僻性罕所偶眇軀率詆訾寸心託

文字非君問向誰夜闌酒又醒呼燭重更披

小竹云世傳  
有星精降汴  
京圖郡子題  
語其標見之  
而後此詩可  
解  
朝來二字泛  
末尾夜闌字  
照應未免有  
意  
鱗之而三字  
和人未入詩  
晉師曾用諸  
文字工拙判  
然  
此篇願大書  
二通當裝為  
橫披

觀其角山人錄赤城義士事手札引為紀儉卿作  
元祿壬午十二月維十四日夜大雪排雪四十六條鐵斫  
仇家門門闕折白雪化為糝糊血戰何覺手皸裂唯恐  
鄰並認草竊遣使致辭謝唐突鄰方會客燭見跋敢為纓  
冠與披髮客與使者素交結出觀快劍抉虎穴凍月在空  
光下徹劍華和雪眼欲纈寄書社友報顛末縷叙義舉語  
勃勃野乘紛紜輸此札廿行亦可代碑碣紀君獲之敬忠  
烈况客義氣亦可說出門嘗學軻離別又擬纒布哭彭越  
當時同僚血曾歎變志鼠竄草間活若聞渠風當面熟讀  
之猶聳懦夫骨流傳一入樵家闌精光依舊未嘗缺晉唐  
蹟遭賈相褻秋壑印記不可割何如此札無點蟻長比當

時雪月潔

沙河

雁齒橋東鹿眼籬一條路與岸相隨人家半竹半梅處游  
屐些寒些暖時水碓無聲村巷靜風箏有影夕陽遲旗亭  
面熟留吾醉還愧垂楊照鬢絲

讀劉後村移居詩依其韻

移宅鳧川第一灣占來半野半城間成鄰嫌接笙歌市對  
岸飲看紫翠山玩世心何別喧寂費文身正雜忙閑東軒  
客散斜陽在目送送林倦鳥還

北郊

人家斷續水縱橫林表看山先眼明貪傍梅花忘誤路頻

前入時調  
見玩世之意  
些改作輕如  
何

小竹云第七  
不似子成詩

穢云怒生字  
自莊子來又  
云又字其  
手

逢牛犢覺離城風暄籬落禽爭語雨足町畦麥怒生五穀  
不分真自愧又遭佳日約明行

題西行法師拋銀貓圖

銀毛出袖衆兒呼月使渠懷礙念珠當日早收擒虎手愧  
擎拳大小狸奴

夜話

昏鐘歇更鳴棲鳥定還驚夜砌乍花氣春灘常水聲酒醒  
聞雨至談熟對燈明紺帙供欣賞紅塵未累情

題畫

枝上弄嬌梭金衣搖日氣美人春夢魂能到遼東未

嵐山二首

行到嵯峨日已斜嵐山一半暮烟透醉眸未必沒分曉暗

處松杉明處花

釵裙影散斂游塵稍見溪波金皺皺月色花香誰主願一

齊拋擲付吟人

詠春秋戰國人物十二首

管夷吾

姬且經緯密復見九州裂海岱政令新匡時須俊傑夏葵  
吐異葩不龍桃李轍

孤偃

操戈已嬰鱗沈璧絕齊威當時無此叟蛟龍不出池教之  
藏頭角最在藉穎時

公孫僑

彈丸因四戰百鍊出利器應變如斬亂鋤豪如擠墜鑄刑  
爭錐刀未免傍觀刺

晏嬰

憂國中壘尉全身長樂老求 異代人誰能窺其抱孤衷  
三十年知閱幾涼燠

伍子胥

鞭尸快生前抉目憂身後自謂復仇快欲報知己厚豈知  
天嫉楚覆巢一借手

季札

曾讓禮樂地去為魚鼈長顧視十五國盛衰現影響後身

一北冷來眼各指掌

商鞅

蕞露露為霜其勁可為筋秦民即周民怯鬪而勇戰豐鎬  
用武國非待商君變

蘇秦

能合山河裂寸舌有膠液豈比張家兒借威事恐味六顆  
金印黃二頃春燕碧

張儀

楚王同徽欽魏地比淮江謀賊為國相到處輒從容秦檜  
膽智小欺得一高宗

魯仲連

小竹云其強  
不由商其暴  
由渠

古奮身輒逃腸熱心如水九州無淨土海波蹈可死知否  
千載下胡羯幾天子

樂毅

嗣王得豚犬駿骨化罷駑辛苦七十城成就一紙書知音  
遇諸葛一表力臨摹

屈原

宗國看蠶食墓田唯魚腹可惜投汨羅不得目鉅鹿義帝  
江中魂相遇雜笑哭

士錦至賦示用進退韻

回頭五歲是飛丸憐汝重遊解我顏葉色藏花春已老溪  
聲帶兩夜方關一窓燈火昏明裡千古文章得失間休向

小竹云十二  
咏中吾取此  
詩

小竹云葉色  
句欠商量  
昏明二字稍  
淡

眼前爭尺寸丈夫唯有勉成難

吾兩舉杜詩嚴話試問諸生又作此以自對

讀書筆有神少陵訣最真萬卷積滿腹有觸衝吻脣光怪  
現筆底不必費索掄非如玉溪生懶祭左右陳韓蘇衆所  
慕富賦本齊秦使無驅使力奚異錢無絡所以嚴羽云學  
無關詩人此言便空肚但俗誇鮮新風雅非兩途稼齋基  
百困性靈與學問豈可分崖垠譬如蜂造蜜百花萃芳醇  
蘊蓄其精華釀成一家春咀含不能化其味何足珍讀書而  
忘書庶與古賢倫

浪華泛遊邂逅田君彝

一岸垂楊繫小船相逢道舊咲輟然岡城分手如前日倒

實際語

大議論可辟  
一世然語欠  
謙和恐不能  
服人往時傑  
翁自粉能文  
歷詆唐宋諸  
哲今視其自  
運不能為役  
足下詩可摩  
古人壘而其  
下語則當有  
自遜之意勿  
踞覆轍可也

指。凶。已。六。年。

君。彛。拉。兒。來。過。壁。掛。其。嘗。贈。畫。山。水。有。題。詩。依。韻。賦。

示

鬢。絲。相。照。共。衰。殘。一。別。來。經。十。暑。寒。長。齒。君。兒。扶。杖。屢。語。

交。我。婦。辨。杯。盤。黍。雜。友。約。踐。言。勉。荆。棘。官。途。抽。脚。難。半。幅。

雲。烟。當。日。贈。展。來。秉。燭。竝。肩。看。

煌々大文字

多賀城瓦研歌

入于紀實不

東。輿。昔。建。多。賀。城。々。廢。碑。存。空。聞。名。去。京。一。千。五。百。里。曾。  
知。碑。本。記。道。程。吾。欲。一。往。觀。王。畧。未。理。鞋。鞮。夢。空。行。田。翁。  
贈。我。瓦。半。玦。得。之。城。址。手。摩。刮。鑿。背。為。研。發。墨。光。質。如。冰。  
石。聲。如。鏡。摩。沙。浪。紋。豁。素。心。恍。登。遺。墟。望。隄。謁。憶。昔。重。鎮。

以上叙故實  
以下入近事  
直接所以得  
之由轉換有  
力

實字句收憶  
昔以下數既  
結以文武二  
字凡二百七  
十餘字無滲  
漏無冗雜無  
演飾無枯槁  
豈今人所能  
辨

扼。要。喉。臣。東。人。置。臣。攜。修。當。時。邊。籌。奉。廟。筭。往々。貂。蟬。出。

堯。整。漢。議。不。錄。鄧。支。頭。唐。節。遂。委。營。胡。曾。鬼。武。吞。攬。四。十。

郡。此。城。定。遭。復。隍。秋。曾。收。狼。邦。歸。衰。黼。重。覩。鳳。詔。混。文。武。

殘。壘。未。復。又。沸。羹。舊。部。入。援。聊。破。介。河。北。終。歸。獨。眼。龍。猴。

公。草々。理。疆。封。豈。暇。支。藉。諮。故。吏。空。將。儲。胥。附。老。農。鴉。鶻。

無。日。刷。蒙。茸。鴛。羽。有。時。逢。擊。撞。謝。君。好。古。同。吾。病。使。吾。盪。

滌。萬。古。胸。嗚。呼。溯。自。文。政。至。寶。字。無。限。變。遷。同。此。地。邊。霜。

淬。礪。一。片。翠。製。造。猶。見。異。澆。李。昔。曾。受。箭。今。受。筆。多。汝。文。

事。兼。武。備。作。詩。敘。古。汝。應。記。洮。河。唐。西。北。迅。出。硯。材。青。黑。

私。鬪。不。下。官。符。源。氏。乃。弃。武。衡。家。衡。首。于。途。而。歸。畧。似。

陳。湯。矯。誅。鄧。文。而。匡。衡。等。議。不。下。賞。安。深。山。當。州。雜。

胡。以。喻。秀。衡。襲。祖。父。六。郡。曾。長。而。為。鎮。守。將。軍。狼。邦。與。

鳳。詔。用。源。賴。義。表。中。字。而。敘。建。武。中。興。遣。北。島。氏。鎮。與。

事其時詔旨言文武古不岐沸羹破斧言足利犯關與  
軍入援 李克用妙一目 稱曰朽眼龍

○文治經泉歌

一韻到底敘  
事非一而無  
窮苦之跡

淨海為安舉  
吳翁為攻戰  
事恐不倫豈  
無佳典可代

含公經泉獲楨賈製造雅質非粗窳朱髹未剝光澤瑩尺  
度勾股應規矩背書經鴻寺所置造於文治歲丙午誰哉  
築嶋平相國活埋童男代強弩填浪縲成梁武堰遷都擬  
據董卓塢經營總為姦雄資已為前狼彼後虎丙午正當  
變革年軍號始膺總追捕王澤一熄殺運旺長使鋒鏑換  
于羽國勢推移有機閑此器雖小感所聚竭來天魔迭出  
降衆生枉遭脩羅苦況此喉牙百戰地白骨相撐誰喫味  
久矣琳宮亦滄桑無復仙梵雜戰鼓回頭塵界歷幾劫獨  
有此物存寰宇公目倚桌拈念珠為公歷指說萬古源右  
大將

既滅平氏餘黨伏匿所在乃奏請置諸國守護地頭隨  
在追捕而自縊之世稱曰總追捕使武門掌國權始此  
實文治丙午歲也 足利氏以還攝津常被兵經島寺  
羅發

○芳野竹笛歌

有客手裡橫紫玉就視簷簷褪老綠吹之一曲聲悲感如  
蒼梧之狩不北還淚亂相兩斑痕簇又如望帝之魂噴百  
鳥啼裂山竹夜濺血問客何處得此物延元天子古殿屋  
敗椽敢學柯亭收一條龍髯寄瞻矚長舌有黃君樂聽短  
夢重失中原鹿劍器渾脫始犯聲七道戰伐沸野哭圍城  
聞笛非無人凝碧管絃長胡曲君不見芳野山中頭白烏  
畢逋似呼返闕速吉語誤人入歌詞空止殿屋俛且啄龍  
顏仰屋曾按劍王愾或寄一尺竹大劍器渾脫二曲名唐則  
持以劍器入渾脫渾



脫宮聲劍器商聲識者以為臣犯君之兆以喻足利  
反圍城聞笛張巡事以喻補和田北島等賊守  
呼胡曲喻足利據京猿樂盛行吉野拾遺有頭白鳥  
還幸之詞禽言漢人每填以入聲故不曰還幸而曰  
返闕速 延元帝臨崩按劍遺詔滅賊

○興國鍊鈴歌

四首工力相敵而題有難易似有軒輊然以詩眼與史眼相照融要有不可全及者時詩以琢捕蝶蝶堂等句為務此吟草間而已

古鈴鑄帶上花紫字認興國歲辛巳金粉零落留古香埋  
在南朝香雲裡先皇吞恨不歸秦柩前始立皇太子行在  
寧刻乾樹雞金聲欲警義軍耳問汝當時事茫茫猶語君  
王數郎當憶圖克復向舊都此物或繫紫遊疆箭集御鎧  
六龍驚敗鱗紛雜雪萬樹南轅寂莫終不回菟水無情空  
北注傷心父老望臺和春風吹斷芳山路不歸秦翻用兩淋鈴詩中語

肅宗靈武之立不待父命與國則異諸柩前以下言此意肅宗在靈武與張良娣雙陸恐聲外聞以乾樹雞

刺其子 南轅北注暗用魏孝靜帝西遷時語意

、題畫漁

傾壺呼釣朋杯泛暮山紫憐殺劉文叔終身不飲此

、題畫

坐夾一溪水洗杯々數傾溪聲奪人語對面不分明

○君彛來宿

一杯道舊綠鳥磯十歲三逢事是非此境他時亦成夢燈

光酒影兩依依々

十六夜飲于清輝樓即事

酒冷東樓燭淚乾月斜簾額夜將闌雪兒亦解吟人意插  
撥絃中不敢彈

不飲此三字似生  
是題畫詩

不踐熟套

小竹云使放翁讀之前點亦心

題僧西行野望圖

秋泚禽飛殘照沈蕭條人事暗侵尋獨將冷眼憐衰色誰識無心是有心

○同君彛遊沙河

乍陰嫩日菊花天聯句沙堤行拍肩憂雨奚奴先辨履怯寒病客欲裝綿遊情不待重陽日交態俱垂半百年留取黃墟他日憶衰揚旗店且觥船

訪月峯師

明淨秋山不起風一瓢攜酒訪岳櫳繞蒼霜葉留殘照未醉人顏已帶紅

○同君彛遊朱雀

朱雀橋邊賣酒家竹林匝水々穿沙荷葉青褪柿子亦此處一醉魚可又昨日北城今南郭莫辭頻々同行樂攝山青露林缺處知君歸帆從此去

○郊遊歸君彛來宿

曾宿君家挑短檠豐山廢處怪禽鳴何知今夜分衾枕同聽鳧川流水聲

步遊沙河示君彛

沙堤連袂步斜曛行看秋風蹙水紋豫識蓼花紅褪日經過此路輒懷君

○題雲泉畫

温岳山前舊釣師時拋筇管弄險巖畫毫輕妙君休怪應

古詩前日風雪中是道往事此詩是指來境同一感愴

吾不韻風家語然略得其

趣耳  
小竹云詩如  
代雲泉言茶  
翁評如讀自  
注

鑿家禁忌將  
息等極不韻  
之事盡入韻  
語真縱橫之  
筆友

得蜻蜒立釣絲

○即事

疎柳斷橋山影長。漲痕猶帶蓼花香。家鳥戀水歸來勉。一  
半秋川已夕陽。

牧信侯在我塾病疫少閒歸鄉作此與之

疫厲如有鬼。乘隙逞窺竅。正氣以敵之。辟易不用驅。牧生  
在我塾。勤苦每起余。一旦觸疹邪。冰炭交攻軀。師友同骨  
肉。得不患難俱。相帥掖枕席。戒勿畏染汗。勝機卜潰陣。救  
援及入郭。挂念慮桑梓。輿病歸於榆。不妨輟誦讀。且務全  
髮膚。譬如大亂後。瘡痍須煦嘘。武宜養良吏。國脈復新圖。  
肅代翫殘寇。終致四海癩。養正以退邪。此理誠不誣。衛護

苟有懈。恐來鬼。挪揄贈詩擬。截瘡得似血模糊。

詠史樂府二首

引中已有詩

癸未之冬臥病經月讀史消遣至唐宋之際而天太  
寒終夜聞雪聲撲窗擁衾孤坐戲作小樂府

○煨芋行

不愧古人

煨芋々半熟。猶堪飽饑客。鼎鼐不調天下瘁。莫怪山人唯  
衣白。十年宰相味如何。憂人家國兩鬢華。許臣去發衡岳

芋奈君數摘黃臺瓜。李泌少寓衡山僧舍遇懶殘者夜自  
牛糞火中出半芋啗之曰勿多言領

取十年宰相。肅宗欲相泌。泌不拜。帝殺建寧王廣平。王  
不自安。泌勉求去。誦黃臺瓜。辭曰。摘取其實。再摘絕其蔓。

○燒肉行

相公燒肉嫂行酒。紫貂裘溫大耳熱。酒籌併運平南計。帳

發露似讓前篇

外方添幾寸雪一榻安穩始著眠何料兒孫被人奪五國  
城寒衾如鐵

病間

誰道病可憂病境殊不惡支牀雖有疾此中未昏眊夜長  
醒每早窓白聞凍雀家人報粥成療饑腹猶綽擁褥坐讀  
書會心可充藥不恨故人疎尚友慰落莫脩短已天定堅  
脆豈人作一知獨無涯不受造物縛

題陸羽像

李白狂歌張旭顛醉鄉無處著遊鞭竹爐銅鼎別天地儘  
付先生作一仙

題畫


水樹蕭々暗岸坳峰陰暮早鳥歸巢斜陽猶在溪南寺烟  
外分明見塔梢

除夜

莫償舊債了兒著新衣成貧家餐酒掃燈火亦覺明合家  
相喚坐煖杯聊同傾一病不死舊顏面又與梅花重相見

如無意思而  
鍛鍊不味

山陽詩鈔卷之五終



山陽詩鈔

館書圖京東

冊	號	架	函	類	門
---	---	---	---	---	---

和書門

山陽詩鈔卷之六

賴襄子成著

牧 觀校

甲申

元日

東風搖水覺寒徂。想見輪蹄簇九衢。起倚衡門無個事。呼

童開柵放家麇。

○送君夷下江次其韻

勸杯還唱定風波。亭袂將歌莫渡河。滿漢雨絲與風片。看  
來不及別情多。

○上浪華宿逆旅

柵鎖聲收雨似塵。烏蓬夜繫浪華津。篝燈呼酒臥相語。誰



此等佳句  
為警策在子  
成則家帶茶  
此作  
善詞餘故有  
揆云竹田翁

是行人誰送人

○題待渡圖

行人呼渡去舟子如充耳寸步有不及放篙已離渌舟子  
與行人齊爭在寸晷遲速有天數世事總如此且共班荆  
坐坐看暮山紫

舊語至結末皆成鮮矣

○先君忌辰挂其和古管二先生墨韻遺墨會舍公至  
依韻敘懷

違顏九換葛將裘一逝音容不可留久客忌辰心記日孤  
兒衰齒鬢懸秋遺文常懼蠹為穴往事追懷屢吐樓舊識  
賴餘蓮社侶好同齋飯話從頭

、三日同士錦賦余因病久禁飲是日始醉

養花天有暈濕草兩生香及此重三日與君同一觴佳辰

病新起清酒醉殊長隔歲貪酣暢茂林方夕陽

○今春迎母京寓屬親信舟護而來送之津上決旬阻

風雨不時至

待母津城對短檠四簷點滴徹明鳴茫茫赤石與兵庫何

處蓬窻聽此聲

○宿世張新居

海雨寒鳴屋江雲濕壓城賴君畱客意緩我待親情斗酒  
貯春釀一燈同夜明板輿來幾日數起候陰晴

○送百谷東行用在薩別詩韻

離亭把酒對櫻洲曾是潑秋欲盡頭今日京城春又去一

第三句作赤城兵庫皆安

機云以僕桂玉博先生四

不減唐人



柏亭兩渠楊柳往年新伐無噍誦此知其萌孽再長余昔倚帚斜對門既三十餘年矣樹尚堪如此人何以

杯送汝入東州

○三條柏葉亭即事

脈々渠流簾影搖恰欣鄰席輟喧呼魚未到洗杯坐看斜陽外柳梢

○送與人大鳴生西遊

出與遊肥足未停薰風踏盡大蜻蜓黃梅雨歇筑西路温岳蘓山迎眼青

○題畫

夾水層巒翠挿天濛々山驛雨成煙黃梅時節岐換路回首曾遊廿五年

○七月既望崑城生邀飲吾母子於水樓戲作

月亂銀燈趁舞腰金波不及酒光饒笑佗醒眼蘓園練忍冷孤舟聽洞蕭

○中秋無月侍母

不同此夜十三回重得秋風奉一卮不恨尊前無月色免看兒子鬢邊絲

○謝大塩子起贈蘆雁圖歌

子起大坂府士與聽訟獄以廉幹稱邀余其宅觀趙子璧蘆雁幅余心欲之而不敢言子起知意輒贈謝以長句

曾醉君家公退餘酒酣耳熱呼嗚々怪底慘栗肌欲粟壁掛霜渚宿雁圖霜壓蘆荻花失色老月欲墮影有無四雁

子成小作皆成趣不外求不用工而足今時少對局者

得意之事得竟之詩意到筆隨

機云少陵東坡台為一丸

想見無涯三

化腐為新

相俛眠半覺兩隻縮頭噤不呼一隻側翅如有伺一隻張  
目是雁奴誰哉畫者趙子璧款題淋漓墨欲滴入君樊籠  
余吾願畫雁難於生雁獲重遊蘆中舟同儼對景談及舊  
畫姿何圖君早察吾色屬杯慨然許輟遺繫舟君門出君  
雁併月併霜卷懷之酒醒燈底疑是夢一幅噉々信在茲  
人猶寶繪烟過眼語至得失其目睥君獨割愛如刀斷此  
情江水滾無限稻梁拙謀吾自知繪弋賢路君不疑隱顯  
雖異本同類來去有信長相期觀君羽儀漸雲遶

○牧牛圖

戀草牛行遲長堤日欲昃且吹腰底笛曲闕家猶遠

又

堤草如烟春雨餘愛他敲敲解馴余角邊唯挂蓑衣綠不  
識人間有漢書

○君彝去後周歲寫豆瓜題詩來寄賦答

拈入一聯借  
容形主是詩  
家要訣

摘豆剖瓜與吾醉多君能記去年事魚鼈膏泣臙脂坡臉  
鯉雪飛柳枝家京城逢迎知幾處獨憶吾家豆與瓜應是  
淡交久不厭屋梁殘月兩照面赤馬關連白鶴崎君再遊  
何為期今歲已過刈豆節明年猶及種瓜時

○送梅坡自菟道至伏水

長堤泥滑荻芽肥紫棟花殘漁父扉記取掠湖湖畔路斜  
風細雨送君歸

○涇溪迂路歸自北郭路上作

是真詩

小竹云蘆雁  
詩濃此詩淡  
淡似勝濃

画手所不及  
筆能盡意

是攝州道上  
景如者其圖  
如行其境  
結句無恨感

小竹云如澗  
如陵恐齋

石怒水與爭。樹攬沙未崩。一水知幾澹。蹋石降復登。行逢  
紅樹。顧後人。水亂人聲呼不應。

○攝州路上

酒家粉壁映晴波。官道乾沙度。洪河風景依然人。欲老楠  
公墓下十經過。

○一谷

松際旗亭。蕎麪香山。當人面古城牆。分明走狗將。兔誰  
把殘杯。酌九郎。

○侍輿短歌

母坐籃輿。兒草鞋。隔著輿窻。相傳杯小。駭野店。擘霜菓。兒  
獻母。酬笑顏。開萬原。聽妓酒如澗。華港泛鷓鴣。有如陵。歸程

一杯還可樂。回首兩都成陳迹。

○過片上驛驛西大池是熊澤先生所鑿觀之有感  
藤井旅店僦丁未至抽橐筆書此十月十三日也

小竹云子成  
每云胸不橫  
周官蓋嚼其  
腹棄其滓也  
是地圖也

溝必因水勢。防必因地勢。吾昔讀周官。兩語心所會。備山  
犬牙處。瀦水如無際。地汗萃澗溪。山圍借鬱鬱。吾未見其  
涸。其側曾五總。此行會嚴寒。亦見須厲揭。聞昔熊子鑿澗  
澤。及氓隸。備藩數大川。疏理皆遺制。淹漲餘分寸。屹然堤  
不敵。穿池不相攸。未早已乾洩。作堤如築牆。潰決又淋漓。  
不學謀人國。經綸無根蒂。學仕兩不負。君獨令陸贄。何唯  
治水然。百度曾獻替。賈生遇漢文。絳灌側睥睨。景略得符  
堅。親舊絕。謔說卓哉康。濟才懿矣君。臣契駕馭少。王良駁

恐屬過獎  
子成滿腔慷慨  
慨於是發露

駑本一例

○過吉備公墳

小竹云伯始  
考先人豈不  
記但能拈  
出耳  
機云精甲先  
生用長篇先  
生用短篇未  
知孰短長

黍國蒼茫帶夕曛豐碑表道仰瞻君張華博物丈夫愧胡  
廣中庸天下聞綿蕤禮誰興一代狄鞬國總讀三墳千年  
功罪須公論休向當時徵檄文

○至竹原

吾家宿昔讀書山紫翠依然窻几間愧使京塵染鬚面歸  
來卻對舊孱顏

○上隴

迎母遊上國送母還故園情話未為畢相隨詣先墳隧道  
曾所記掃葉從墓門累々高曾祖展視塋域公廉直培基

太膏澤流子孫嗟吾獨狂放汗漫自阻恩回頭幾寒食不  
得與祭墻跪伏謝吾罪引贊頰母存母拜兒亦拜霜風衣  
帶掀

○至廣嶋家宴得安字

爭餉魚鰕皆活潑相逢老釋竝平安最欣新婦語家法纖  
手殷勤辨勉餐

○杏坪叔有詩次韻

廿年病朽博閑身私第愁君未角巾退食每晡因職劇傳  
杯連夜為情親關心家業終無續提耳兒曹賴有人滿腹  
精神須自惜不妨遊蜀託行春

○發廣嶋東上元協送至梅田驛賦與之

子成曾託余  
杏坪攝生此  
詩既已言盡

卻是千行啼也

小竹云數首情聲之語不束於次韻無限才力

相送不忍別下輪又相攜轎夫色帶倦喚吾移步遲行々何所囑劬勞北堂慈弱婦與小姪撫視莫或違吾已辭桑梓天涯分此離有汝吾不顧慎勿涕淚垂

竹原過別春風叔依其贈詩韻

板輿送罷返王畿林飲重敲大阮扉鶴出舊巢曾殺翮烏離慈母復孤飛一宵鄉味煨紅鬢十歲京塵染素衣情話未終還就路度鴻在目五絃揮

○又用杏翁韻

飄泊紅塵寄此身重來桑梓拂衣巾讀書每覺功名假閱世終知骨肉親幸我承歡存阿母看君貌老類先人狂愚仍辱視猶子一室咲言温似春

千光寺光景

○上千光寺

崖腹嵌僧寺林頭露海門波光分瓦色梵唄壓人喧鳥逝岸無影舟過潮有痕題名向怪石幾日又東轅

○神邊同管翁賦分韻得尤翁老飲酒有限近又減之

曾侍母輿成往遊重尋父執寫今憂杜家獨樹寒飄葉蕪酒三蕉老減籌渠水有聲冰未結園蔬無甲霜方稠二毛非復狂童舊喜許尊前脫希鞢

○又係進退韻

疎柳寒樸小石渠淺々門巷認呬唔階拋殘食爭鷄鶩懸閱新文校魯魚狂態愧曾追杜牧隱蹤悔不伴林逋此間願洗京塵澆閑讀平生未見書

合作不見一字浮泛

此在余坐上  
所製咄嗟成  
篇余同題詩  
僅廿八字  
猶賞數日推  
敵今見此卷  
赧然  
起手正々堂  
々韓歐遺墨

○觀楠廷尉把杯圖圖蓋紀人所傳感而作歌

蒼袍烏帽持酒西。西中泥金描菊水。和蕭裏舍神勇姿。不  
問知吾楠廷尉。獨怪畫手何所傳。燕安寧有肉生醜。或在  
千窟受圍初。談咲坐當萬虎羆。吾甲在心。緩吾帶。聊澆心  
裡。龍虎書。或在雙闕拜爵夕。退擊恩波金光凸。芳醇淪澈  
肺肝。瞻添得陸離滿胸赤。否則櫻井訣飲杯。壓營戰鼓如  
萬雷。一杯擘斷生死路。玉山未頽長城摧。君不見三世骨  
肉傳醇液。賈勇猶與北風敵。

發神邊管翁送至丁谷梅林下有詩次韻言謝

風樹蕭蕭歲幾更。每逢父執不堪情。籃輿忍凍遙相送。莫  
怪離杯惜未傾。

送者停驕行者斟。洗杯相屬澗流澗。平生唯愛梅花好。今  
日清香別樣淡。

○宿福山最善寺

歸艇將艤施子浦。理裝且度木綿橋。休公相要吟詩榻。分  
得佛燈終夜挑。

○鞞浦示管徵卿

風聲捎小閣。雪意壓疎燈。節物催新歲。杯盤對舊朋。京書  
無一字。備嶺尚千層。憑汝忘飄泊。吟哦炙研冰。

○宿泉藏招月亭

書樓臨小港。行客釋歸囊。夜語知舟泊。寒聲覺雁過。交情  
窮倍見。酒態老逾加。談笑雖云樂。其如萍水何。

語近意遠絕  
句本色

機云加叶居  
何切

亦偉

前聯不似詩  
語卻成詩妙

○招月亭即事

背村面水小樓居  
水影搖窓日上初  
插架粼粼皆異帙  
亂抽來定讀何書

○備播之際有作

家鄉行已遠背指只雲山  
憶昨母偕往如今吾獨還  
酒家高樹側驛店亂峯間  
每歷停輿處依稀見笑顏

○路上雜詩

家家歲計競迎新  
餽食驅難又掃塵  
飄泊半生成底事窮  
陰尚作未歸人

鞋痕霜泫作輕泥  
茆店呼茶正午雞  
總角竹弓童子戲  
問年恰與我兒齊

東樣

○戲作攝州歌

此種詩求之於古人中老  
杜沈鬱忌發揚至故翁盡  
情暢在使邦快暢在本邦  
則有子成而巳  
吉法師藤吉郎新定其稱  
於歌詩諷詠固當如此已  
所謂意餘詞不足  
那邊應有四字更思

尼崎

寒樹蒼茫接港關  
尼崎城下買舟還  
那邊應有妻兒依  
約雲間得畝山

除夜作

細君拮据鬢蓬麻  
婢辨辛盤僕掃家  
獨有主翁無一事  
出從邨路覓梅花

乙酉

猪日招檀園春琴

故山回首夢曹騰又入京塵十丈層濁酒聊招素心友餅  
梅影裏剪春燈

題醉杜圖集杜句

詞客哀時猶未遠幾回青鎖點朝班臥龍躍馬終黃土詩  
卷長留天地間

讀隋煬紀

總管揚州是阿摩才情何減後庭花牙樞錦纜春方好不  
省中原付李家

平安上巳書感

長枝

眼前之事誰  
能道到此  
機云真是平  
安詩

吹血東風鬧萬蹄角雄秦晉迭排擠九門今日放金鑰春  
花縱民觀鬪雞

仲春士錦實甫遠來見訪遂同觀棋伏水此日上午  
十里飛塵漲輦紅狐王廟裡鼓鼙鼙藤林二折看梅路萬  
雪堆明夕照中

詠三國人物十二絕句

先主

長腕雙垂閑不勝結髮織屨在能懂懂一樹柔柔絲展  
到蜀山青萬層

孔明

有魚頰尾泣窮冬涸轍無人憐噫喁誰料南陽半溝水卷

小竹云半溝  
水恐沁子成



定不

渠忽地化為龍

關羽

小竹云漢人  
畏鬼必不能  
賦斯讀

北伐長驅不備吳髯公終被阿蒙愚問君層讀春秋日卻  
記秦人殺役無

張飛

蛇矛攔住萬蹄塵恢復神州機已新應愧蹭蹬在江漢自  
呼翼德是燕人

趙雲

七尺彭亨膽滿身誰知鏗縫舍郎君刀邊一塊收龍肉留  
續岷峨半段雲

本初

冀北萬蹄塵蓋邊群雄用武孰齊肩不蹂千里青青草熟  
視阿瞞先著鞭草千里董子當時董諸指董卓也

孟德

金刀版藉得雄蹲銅雀樓臺日月昏七十二堆春草碧更  
無寸土到兒孫

仲達

小竹云江左  
偏安亦典午  
過幸  
心甘蜀將遺巾幘手辣魏軍歸戰幢三馬同槽終幾日回  
頭群鬣太過江

荀彧

小竹云子成  
喜東坡乃嘲  
謂文若如不此可  
八龍孫子獨騰驤養誰誇吾子房今得當塗萬年臭坐  
間三日果何香

仲謀

生子當如孫仲謀不關天塹護金甌可憐卻被曹瞞鉗力竭荆襄斗大州

周瑜

東風燒盡北軍船烟滅長江不見痕怪得頻頻曲邊顧還無一顧向中原

管寧

小竹云子成不皆幼安亦我輩人

瓜分鼎峙竟如何幾個英雄未息戈堅坐膝穿還自快領來一榻我山河

嵐山

蝶翅春風趁茜裙嵐山消息向誰聞出城西望先成咲遙

峯肩幾片雲

橋北橋南花影層醉裙出沒各分朋認來相識在前岸隔水招招呼迭舊

滿山絲肉響喧嘈凝紫浮烟到濁醪幾樹明明光在水使人誤認日猶高人

橋本元吉奉母入京館定即獨來訪

輭塵撲地雜晴霞卸駕都門正百花紅紫叢中未著腳先尋水竹到吾家

兩日賦示元吉

留客東橋白板扉烟籠萬瓦影依微春泥滑助燕巢就朝雨斜和花片飛四郭浮埃紅纜飲一園嫩葉綠初肥呼童

把元吉著百尺樓上機示其然豈其然

拘拘兩字亦見

山陰詩集卷三  
剪韭同清酌未許都門履歸

○鳴門短歌示山口君亨君亨家在鳴門側

天風吹颯迴瀾紫鯨吐鼉擲誰正視君家鳴門忒咫尺雙  
眼到處難為水鳴水潺湲不容刀切堂覆杯置盃膠胸吞  
雲夢無芥蒂知君對此徒哂嘲嗟吾南海未果涉空望海  
雲碧疊疊何時訪君傾金尊醉把盤盪當啖齧

○攜君亨遊鳴林旗店君亨公在近

鴨林攜客趁新晴紅意闌殘綠意生杖向遊人踈處拄杯  
隨詩句熟時傾風花墮地團相逐春水逢橋變復行分手  
有期君莫起一欄坐到月微明

○春風丈人來遊京師侍飲吾水西莊書事

貪看東山掀活簷烟籠兩岸雨廉纖為嫌穉柳遮唵眼手  
拗低枝露塔尖

○從春風丈人遊湖上賦此紀事

吾父與吾叔曾共扶吾祖壯遊耳稔聞湖樓酒同酌故人  
平紀宗來為東道主父祖及父執相逐上鬼簿獨有叔翁  
在重游尋往緒小侄寓洛橋提攜又偃僕石場買小舟同  
載聞柔艣叔指屈前遊四十年加五叔曰晴湖淨不似當  
時雨湖上曾看山歷歷皆快親逝者不可見存者豈數聚  
阮飲及時傾謝墅何處賭猶學磊砢澆可追斑斕舞唯恨  
侄家兒關心困二豎妻兒何足論所重是諸父作詩記余  
日聊足補家譜

○○○哭阿辰此日春盡

別春又別兒此日兩傷悲春去有來日兒逝無會期幼華  
現斲娛目造物戲人何猶哉明年東郊尋春路誰復挈  
瓢趁翁來

○○題画猴

跳擲山崑自戲娛嗟餘養得婦將雛秋林萬疊皆霜葉來  
向狙公受指呼

○園栽芍藥初開是日野亞相公所贈感而有作

一攔紅藥始離披曾自相公宅裏移緣是百花容不得誰  
言顏色荅春遲

○相公席上大島生彈月琴公命詠之

義山成句借  
來活動

誰捉蟾蜍裁玉琴團圓影裏帶清音四絃如語知何恨碧  
海青天夜夜心

○南遊途上

甸麥將秋雲意闌華城南去路彎環惱心天氣陰晴際適  
體人衣單袷間緇素攜來相識客河泉閱過未看山蛤蜊  
盧橘皆堪醉咲釋腰瓢共解顏

○入紀

幾樹青松夾路堆遙看城堞樹間開沙川溶漾人呼渡此  
水知從芳野來

○紀藩書感

藩府形便接鎮臺吾公昔日剪蒿萊山分幾甸逶迤遠海

尋常情境輕  
著筆便成趣  
小竹云此時  
余同行子成  
呼曰得佳對  
即前聯也信  
是佳對

橫家手設每  
出發剛

擁西南莽混開平蔡功勲憑胤武殪殷戈戟馘廉來移封

二百星霜變誰識孤臣頭數回紀與大坂唇齒吾藝舊封

獲大坂驍將丹輪等故  
頭聯云云胤哉用韓碑字

訪介石翁酒間賦贈

繩牀扶病笑欣然吏隱高齊松竹邊徵仲娛情非麴蘖大  
痴得壽是雲烟筆端自有金剛刀墨派原非神秀禪吾亦  
忘年同臭味晴窓論画且留連

○南州雜詩做竹枝體

麥秋時節開村家夫往揮鎌婦打枷誰道小姑無個事又  
呼女伴搗紅花

路傍摩耶十往還隔海遙望葛城山今日葛城山下過摩

紀行中詩書  
如斯

耶卻在海雲間

優游不迫感  
慨有餘余教  
題此公煩覺  
有讓

○○南遊往反數望金剛山想楠河州公之事慨然有作  
山勢自東來如鳥開雙翼遙夾大江流相望列黛色南者  
金剛山插天最峻巖拖尾抵海垠蛇蜿蜒畫兩城隱與城郭  
似擁護天王國想見豫章公孤墨杆羣賊合圍百萬兵陣  
雲繞麓黑臣豈不自惜受託由面勅灑泣誓吾旅為君鑿  
鬼城果然七尺軀自有回天力宕叟連武庫隔江對正北  
公死實在彼在公盡臣職所惜壞長城寧支大厦反吾行  
歷泉紀往反緣大麓顧瞻山海間慷慨三大息丈夫有大  
節天地賴扶植悠悠六百萬載姦雄迭起踏一時塗人眼難  
洗史書墨仰見山色蒼萬古淨如拭

○與承弼別

聯轡閑行對榻眠，河泉驛路共周旋。  
歸來興盡還分手，日暮橋邊夜上船。

、別後舟中憶承弼

燈影人聲過幾橋，滴篷江雨夜蕭蕭。  
知君新浴徐伸脚，婦婢盤餐女植腰。

○春雨訪友圖

橋外東風吹雨斜，來謀同醉故人家。  
午光瞥眼君看取，屐齒春泥半落花。

、同雲華七海遊朱雀

雲裏炎曦翳復明，午風微動路塵輕。  
來謁朱雀橋邊店，萬

恐是六孫王別有此境否

柄芟荷聽雨聲。

○折橋生招飲亂林

貪談每覺杯猶淺，哦句何論字未安。  
坐久鄰棚人已散，一渠水石響珊珊。

東方朔圖

鶴啄長憐尻益高，苦飢曾是謫仙曹。  
何知漢室一囊粟，不及瑤池三顆桃。

○題杏堂畫

尺幅溪山兩許長，雲嵐清潤墨猶香。  
何妨紙尾無題識，數筆知吾老杏堂。

、浪華舟遊卽事

無佳句無佳字而自佳

費解

輟棹輕舟拔岍橫兩三分隊上堤行舟中堤上呼相答十里菰蘆夕照明

○過櫻井驛址 以下至歲終赴播遂省 往反作

余曾題此圖 誦此始覺輸 一著

山碕西去櫻井驛傳是楠公訣子處林際東指金剛山堤  
樹依稀河內路想見警報交奔馳促驅羸羊饒得虎間耕  
拒奴織拒婢國論顛倒君不悟驛門立馬臨路岐遺訓下  
寧垂髻兒從騎肅聽皆含淚兒伏不去叱起之西望武庫  
賊氛惡回頭幾度覩去旗旣殲全躬支傾覆為君更昭一  
塊肉剪屠空復膏賊鋒頗似祁山與綿竹脈脈熱血灑國  
難大澱東西野艸綠雄志難繼空逝水大鬼小鬼相望哭

攝州道中

此是子成長 技

姦賊二字恐 傷雅

郊畿行未了阿淡喚將鷹黑見酒家瓦紅知南船燈英雄  
迭經紀形勢尚飛騰自笑書生拙征塵屢屐登

入姬路界此行應其執政河合漢年之招也

沿路愁聞蝗害深此間姦賊不能侵連雲擺經夕陽赤見  
得大夫憂國心

○漢年招飲

藩離本倚要衝國柱石常歸忠孝家鞅掌卻存餘暇在後  
園留客看秋花

旅館卽事謝漢年

尊綠醪已娛予又有青緗分五車更借端溪宜墨研醉  
鈔奇語大書

第四語別  
有恰好典故  
古來過此境  
者誰能作這  
般詩句

姪路懷古

五疊城樓插翹霞瓦紋時見刻桐花  
堯州會啓阿瞞業淮鎮堪興匡胤家  
甸服昔時隨臂指勳藩今日扼喉牙  
猶思此道走襄陽經略山陰道北走因州路作又

○山莊宴罷歸城

出林燈火後先明宴散山莊夜向城  
呼渡未來還自好停轎沙際聽溪聲

書懷

表海勳藩多士林謬賒馬骨值千金  
一經鉛槧白吾髮滿眼英髦青子伶  
施繼尋分登俎肉弓招難奪首邱心  
候生偃蹇君休怪欲報信陵知遇深

此道走襄陽  
於此詩亦云  
記此詩亦云  
今尚存否

機云未三句  
可以想見先  
生風節

○題畫

葉飛秋有痕鳥盡天無迹何處滯家書  
清江數帆白

○發播示仁壽山校諸生

來時秋淺去時疾已覺冰霜暗裡侵  
欲囑滿山新草木相扶勉副育材心

三石驛示同行野本萬春

蕭條烟火點寒雲馬語荒涼簷日曛  
一穗青燈萬山底與君擁被臥論文

○卽事

逢迎幾處竟分離獨有山瓢與我隨  
賴汝行裝生氣色與窓併繫菊花枝

此三石驛題



尾道弔渡橋翁

記吾昨歲滯君園何料幽明忽判然涓滴難酬投轄德一杯白雪酌黃泉白雪酒名余所攜有

○自尾路舟赴竹原謁春風丈人墓私賦志感

就涉潮平汗維舟霜滿天松榆認舊里涕淚灑新阡門巷猶依昔音容竟逝川誰能迎小阮竹飲醉同眠

○○入藝

亂山高下夾輿窓水落寒溝露石缸傷兩棉花猶採楨經蝗粟粒纔舂撞往還成例秋冬節豐歉關心父母邦飄蕩寧期涓滴補廿年愧負讀書缸

○○到鄉

小竹云前聯  
數陸

依然行李太伶俜千里歸飛鶴鍛翎牢落素心輕畫錦涸殘故老歎晨星棗梨未果雕遺集子侄猶堪守舊經鄉社相逢交笑哭連宵挑盡一燈青

○過廉塾

荷枯鴨相逐菊老蝶猶翻夜話綠尊酒寒燈黃葉村吾曹更誰望父執有君存臨別無佗語加餐度且昏

○過曾根管廟有公西遷時手植松樹見秋五山題排律依韻作歌比至魚磬成之

印南郡裏丞相廟手栽松樹託忠貞樹植不言擎天德偃仰猶存捧日誠撫女盤桓猶戀闕三宿何嫌濡滯名壑空天矯亢龍狀逆風嘹唳鶴聲千載冤魂化琥珀不論由孽

小竹云玉山  
雖大家此此  
詩恐當竭  
頽倒

顛復生怪偉鐵幹赤心盡猶憶相業虛稱成且將支撐報  
拔擢寧恨蟠屈讓滋榮作詩愧無陵句難學老柏弔孔  
明公於延喜有定策功第三語云亢龍善相公奏記中語

○過管士綏話舊士綏及先人門者

共駭秋霜挂鬢邊同挑夜燭話尊前趨庭舊事誰能記風  
樹回頭廿五年

○尼崎僦舟入坂

風顛蘆花亂櫓聲一支寒港半時程忽然轉舵大江口舟  
傍萬檣林底行

○入京

隔林邪許曳舟聲魚檐米車爭路行明識長安居不易念

家亦有喜歸情

到家

霜泥澳巷歲將闌只麼窓櫺容膝安不獨妻兒皆好在依  
然未麗與盆蘭

狂花和粟津裕齋

不待春風催萬妝故驚人眼挂孤芳恰如當日高陽酈世  
喚做狂非是狂

寄憶梁伯兔在尾路兼寄橋元吉龜伯秀伯兔談詩

喜舉金聖嘆說

當門低月隱高梳夜館遙知散帙堆喚起細君添研水吟  
安單字攪爐灰論詩休做斬腰體學醉宜持濡甲杯有友

小竹云子成  
不狂誰嘗狂  
者

小竹云子成  
改做其

瑰奇魚撥刺可能卷裡沒頭來

冬夜讀老蘇審勢審敵二策有感而作

字挾風霜自斬新優柔偏要咎真仁誰培國本遺孫子保得江南半壁春

薄海河山盡列藩絲牽何可許禽奔東方封建還強勢喚起老蘇重審論

不怪金繪困內民沐燕接壤怯蹄塵鯨波萬里環天塹亦有虛聲能擾人

送萬春歸鄉兼寄乃兄伯王萬春數奇故慰之

夜堂詰別撥爐灰君去情懷誰與開豐海波瀾遙挂席京城風雪且啣杯卷中歲月休虛擲身外功名是儻來歸見

阿兄春已好對牀細雨剪蘭煤

有病

藥鼎猶烟氣書窓乍雨聲不眠知漏永廢讀愧燈明母在恐先死兒亡寧再生著書多鹵莽誰肯助吾成

乙酉除夜

寒燈孤館不須眠周歲悲歡暝目前腐鼠嚇鷓鴣供獨咲老牛紙犢有誰憐斗外終癩屈雙膝四十唯驚過六年商略一杯娛現在蠟梅花下且陶然

亨保正德之詩稍得正門而粗率自畫天明寬政之什或窺奧妙而邪路在前子成詩眠超然二者之外矣恨時投兒女之好未盡其量耳

小竹云情實感人

又云第三似添至頸聯則自然

中年德業成熟之秋文筆亦然趣向益高鍛鍊益密何  
素哀翁老言

政成季秋中浣晉師敬批

山陽詩鈔卷之六 大尾

後

新先生之詩品格何如曰昔人云古  
在言詩之世詩人如也言詩人必  
詩能詩之者乃為詩人詩之  
詩也其公何母之詩在也母之詩也  
世之詩也其公何母之詩在也母之詩也  
好乎其中一之詩也其公何母之詩也  
之世也其公何母之詩在也母之詩也  
之世也其公何母之詩在也母之詩也

先其志等慷慨与情勢乱该增无  
 以心也况尤为心史等之理道其申  
 有读其言苟遇之于涉者其言其系  
 在雅或殊与乱孰能知其言其  
 襟而词与理以酒客之也其言其  
 以特其然其言已未也其言其  
 抑歌其言其言其言其言其言  
 之深其言其言其言其言其言  
 巨化乃其情之受与人情之受

已矣其言其言其言其言其言  
 之深其言其言其言其言其言  
 能读其言其言其言其言其言  
 教牙牙其言其言其言其言其言  
 文也其言其言其言其言其言  
 人事其言其言其言其言其言  
 其事其言其言其言其言其言  
 其言其言其言其言其言其言  
 公也其言其言其言其言其言

一陽言金月  
詳此意者及是生之詩のよき証也  
其出要本詩の刻 先生詩為物  
數少を以てし且附生詩抄に云ふ  
人美濃後藤輝輝歎於此の世に相  
陰直の之有云

明治十一年十二月廿六日御届  
同 十二月一日出版

翻刻出版人

東京府平民

牧田熊次良

四各區四各鹽町  
一丁目十九番地


同

賣 弘人

金 華 堂

身込區小石川水道  
町七番地

183
2
162





183  
2  
162

山陽詩集

三四

國

國

回

國

麻